



常山文集

九十

5

和文一

和6  
1736  
6





常山文集卷之九



權中納言從三位源朝臣綱條輯

詩

七言絕句

和函三子試筆詩韻

慶安二年巳丑

春風和氣滿衣衿。覓紙題詩先詠吟。  
小字梅  
花管城下。朝來一點吐檀心。

白雉



皓羽翹英滿眼奇。周成彰德孟堅詩。猶疑今日有祥瑞。白雉馴階涅不緇。

嗣傳安生試筆詩韻

韶光淑氣滿春城。自把屠蘇泛乳泓。試筆新詩如錦繡。曉來織就一枝鶯。

卜幽軒自常陽寄元旦詩次韻以謝來意

早對屠蘇慰客身。幾看處處歲華新。柔風昨夜三千里。渭北江東一樣春。

我聞羅浮子今茲仲春上卜。於上野大成殿修釋菜題梅為花儒者各賦一絕。其追遠之祭不亦可乎。不佞公務不遑。不幸而不陪于列。不能無遺憾也。翌日賦蕪詩一章投几右。

千古真儒梅影斜。清名香德思無邪。馬程玉色深衣後。道屬羅浮村下花。

紅梅

花神何事脫却白。紅霞妝出壽陽額。借問天



公勤學不。窻前研朱點梅易。

題畫圖

荷葉有翡翠

魚狗救饑窺小鮮。日憑荷葉立留連。秋風吹破青羅蓋。翡翠飛來補翠穿。

端午

江城重五幾年遭。坐上菖蒲泛濁醪。千古楚風徒競渡。不如端坐讀離騷。

脩竹不受暑得琴字

脩竹垂垂坐綠陰。不知九夏溽蒸侵。此君借

取涼風手。彈得無絃靖節琴。

頃者使生順。騰寫泣血餘滴。有堆雪擁

窻而便照。書寫字而朝雨終日雪漸

消。無如之何。於是戲簡一絕。且要和

云

雪後纖纖成雨聲。書窻晚色不分明。縱清務

觀七年耳。却欠孫康千歲情。

布袋像

皤腹膨脗遊市邊。非僧非俗一風顛。杖頭打



破乾坤去。何處當求都率夫。

重陽

佳節題詩知幾家。獨斟菊酒惜秋華。白衣今日去。何處唯對黃裳正色花。

十月三日兩林子寄肩輿於自適窩。余不幸不列席。仄聞各揭三題而賦絕句。余雖不敏不能默止。遂綴二絕以寄兩林子。且乞雌黃。

十月聞鶯

十月日温鶯頡頏。一聲睨睨誤春光。黃公亦做孟冬例。講武堂前喚呂望。

詩燈得弓字

夜來開卷仰唐風。李杜秀才名豈窮。詩陣有功豪傑士。為挑燈火讀彤弓。

東帶天神像。北野神靈濟世才。文章泰斗仰時魁。花中馨德依然在。千歲真儒一朵梅。

巢父牽犢歸圖



唐堯宇宙一巢父。不飲穎川牽犢歸。若使斯人牧天下。八荒黔首定應肥。

筆架石

奇右崔嵬置几間。閣毫半日得清閒。俄然膚寸被雲觸。能使文章仰泰山。

今年仲夏下冷泉羽林賦。內直即事

以被示卜幽生。余偶見之吟翫之餘。嗣芳韻呈几下羽林復賜再和。圭復不已。因分五十六字為韻脚以謝再

和之惠。時維秋冬之交。故詩中時候多錯雜。請亮恕。

其一

京國遙望落日邊。清風朗月有書傳。西東千里神交契。何異微之與樂天。

其二

東關悠悠隔禁闈。會面何時久如渴。再來驚自新詩篇。已知君學有本末。

其三



我在武江陪幕府。君居京洛直中朝。回頭望斷萬山隔。屈指更知千里遙。

其四

兩鄉萬里渺雲濤。常恨知音不遇遭。臨水登山將問信。白雲遮我片心勞。

其五

開卷行行詩律嚴。白雲過處唱歌纖。將君為社稷。臣去武備文才等紀瞻。

其六

兩地相隔夢中想。忽有文談長萬丈。言葉詞花翰苑春。人間亦有靈威仰。

其七

瞻望天涯浩無限。何時對酌鴛鴦盞。秋來遠寄一封書。千里面目是青眼。

其八

能歌君子又能文。春樹年來望暮雲。吟賞新詩清粲粲。想看丰采婉欣欣。

其九



一陣春風屬筆端。吟來霜夜不知寒。墨花郁  
郁芬芳在。正效江南驛使看。

其十

歌詩於君吾無間。一日三復不轉盼。厚惠喜  
看北來魚。多情更附南飛鴈。

其十一

家承皇恩絕又續。恰似乘春鶯出谷。好古知  
吟。經綸才。知君他年備鼎足。

其十二

芝眉未接金蘭友。文章煌煌仰北斗。忽迴狂  
瀾百川東。本朝如君今何有。

其十三

兩地相思天一涯。朝歛暮喑苦吾懷。篇篇吟  
詠美猶麗。字字騰臨清更佳。

其十四

遠寄尺書喜不禁。晨昏開卷獨高吟。詩中瀟  
灑出塵想。句裏鏗鏘戛玉音。

其十五

天末

卷之九

七



天末相望日暮雲。秦胡路遠少知聞。小春向暖梅花發。故折一枝將寄君。

其十六

遙知胷裏五車書。詩句縱橫堪卷舒。雙鯉往還千里友。同心何事却離居。

其十七

思君日日望蒼穹。雲水悠悠意不窮。尺牘從今得相接。何愁千里隔西東。

其十八

弓冶勤有父風矩。萬卷蟠胷博今古。誰道傅昭今則亡。當世君應稱學府。

其十九

萬里山川行路難。夕陽春處望長安。何時結得雲龍契。揮筆論文擬孟韓。

其二十

世德傳來虎豹章。隨風千里筆花香。士峯遮斷西天外。不見長安空悵望。

其二十一



友人正是天下士。未得相逢好知己。千里景慕無限情。更封一紙附行李。

其二十二

公退讀書無不可。想像寒窗點燈火。三友何時一友加。武野風月常伴我。

其二十三

新詩吟玩尤可愛。句中藹然含慷慨。詞林別是一般春。四時欣欣花長在。

其二十四

用一字三韻格

我住東頭君住西。平生遙憶暮雲西。今朝已試雙魚信。一唱三嘆日又西。

其二十五

詩句纔締兩地盟。何時相對說平生。只因偏憶風流友。魂夢幾回遊帝京。

其二十六

迢遞山川路渺茫。思君一日九迴腸。禁園風景知多少。定把歌詩自主張。

其二十七



佳什吟來忘寢食。未逢已如舊相識。平生不  
解弄文章。數篇野詩情由憶。

其二十八

德義風流世所欽。芳聲早已滿儒林。讀書莫  
作詞章學。須為賢君要作霖。

其二十九

千里開封如面談。思情切切正難堪。一篇文  
味酸醜外。熟嚼方知口有甘。

其三十

地是千山雖懸隔。心在君傍欲同席。同席未  
足比同心。形影贈答慕彭澤。

其三十一

朋自遠方書相寄。錦心繡口千金字。騷將元  
有七步才。何須屬文苦覆被。

其三十二

君陪北闕我東城。風使遙傳相思情。小字寒  
梅飛紙地。詞花郁郁發春榮。

其三十三



會面縱令未有期。投書千里幸同時。友人才  
廣，我才短。誤比源明識紫芝。

其三十四

上下相和國固蒂。與君同官職近衛。縱然北  
關隔東關。何異朝朝侍玉砌。

其三十五

與君未得暫傾蓋。何時從容為文會。一篇寫  
情詩。句中晨昏相對千里外。

其三十六

遙望美人天一方。山川隔絕似參商。曾中學  
海勿他用。正要翻成五月涼。

其三十七

歛夫既沒道猶在。提要鉤玄窮典墳。家業只  
今初繼絕。勉旃夙夜報君恩。

其三十八

白樣新詩聞中禁。語高芳聲更藉甚。風霜不  
到言葉林。四時依然為美蔭。

其三十九



忽看文園詞花發。三十一言鶯聲滑。筆端風雨無盡涼。苦熱吟了。應慰賜。

其四十  
白射海其四十  
異端舉世如墨守。正學君獨有傳受。孟軻嘗發性善論。告子漫言猶杞柳。

其四十一  
夫其四十一  
詩筒遞贈結同盟。無奈關山千里情。白雪高吟今欲和。自慙不敏轉屏營。

其四十二

聞道西京風雅士。寸胃收拾古來今。羨君句句生金玉。在我篇篇誤陶陰。

其四十三

老杜今何得獨步。更看友人錦繡句。欲和來詩無好詩。罰盃恐依金谷數。

其四十四

渭北江東斫額望。讀來且喜寄文章。張高夢裏何迷路。既在君家弟子行。

其四十五



如此詩篇得更難。仰瞻太白上。騷壇文花豈  
翹生於筆。筆下依俵永走盤。

其四十六

古來忠孝誰。髣髴不奈好惡共。如。嗚。世上祿  
仕謀身榮。更無一人為親屈。

其四十七

欲問儒流一派宗。世衰不踏聖門蹤。只今若  
使徐庶覓。不識何人是卧龍。

其四十八

千里知音擬伯牙。搔頭延佇意無涯。藝園詩  
景翔丹鳳。學海文瀾動玉蛇。

其四十九

遙聞佳名今幾歲。地隔南垂與北際。何時萍  
水得相逢。秉燭共語敲推勢。

其五十

素聞累世多書種。知君文藻已蒙茸。汝士風  
標今又看。壓倒元白吟獨聳。

其五十一



伏羲文王又周孔。猶聞二程隨。籀桶易在梅  
花君信無。一陽復處春色動。

其五十二

郇雲飛落一書封。只恨江城遠九重。遙識君  
陪金殿宴。賦詩幾度賜銀鍾。

其五十三

時明四海得恩光。萬象森羅自有祥。滿朝鼎  
才何覆餗。殿前仙仗護君王。

其五十四

俊逸清新稱謫仙。佳篇當是共周旋。縱橫筆  
陣知無敵。降得詩城幾萬千。

其五十五

道德仁義逐尼父。詩歌文章屬老杜。仰觀俯  
察無比君。可謂居今能行古。

其五十六

友人千里獨知音。寄簡情同蘭與金。字挾風  
霜清雪骨。篇攀日月徹天心。

送隱者



真隱曾無名利侵。清風颯颯拂塵襟。只繙黃卷北窗裏。占得淵明高卧心。

凍蝶

粉蝶尋芳雪後庭。苦寒故使小車停。朔風吹鎖莊周夢。凍合南園栩栩翎。

和羅山子雞旦韻慶安三年庚寅

韶光一夜遍無方。祝得朝來有吉祥。欲試春王正月筆。會通左穀與公羊。

和函三子試筆韻

滿面柔風遲日閒。明窻青眼一天間。新圖茶壘懸桃板。東海今看度朔山。

次韻卜幽試毫

番風陣陣滿精廬。俗李凡桃天舍諸。小字野梅纔一點。花魁應是進春書。

和脈子正隆歲旦韻

一陣春風滿九衢。團樂共舉萬年卮。冰融始汲井華水。座上新湘玉兔兒。

夏日元贊老人偶到予亭清談之次綴



野詩一章以為相識之符

萍水相逢小草堂。清談未盡惜斜陽。對君何  
識苦炎熱。忽得溫公五月涼。

再步韻

二難全具讀書堂。唐客遠來東武陽。紙上虹  
霓將貫日。筆端風雨忽生涼。

中秋遇雨

油然霽霽未曾晴。三五良宵奈舊盟。雨滴似  
張元獻樂。夜深雲罅半輪明。

九月十三夜

異域不知今夜月。月前醉賞竹江干。清光縱  
減二分數。十倍中秋三五看。

辛卯元旦 慶安四年

江城幾度遇元辰。滿目乾坤萬象新。年與番  
風相逐到。梅花資始棟花春。

余今年二十四  
歲故末句及之

和向陽子元旦試毫韻

儒者如花粲德輝。冰姿玉色著深夜。新羅風



俗似知禮。仰拜日君兼月妃。

和卜幽元旦試兔詩二首

武陵無處不春風。筆下煙霞簇簇豐。縱使黃  
公呼呂望。何如進履太玄童。  
吹面何寒花信風。千紅萬紫自茲豐。預期春  
服已成後。勾引衣冠六七童。

和朕子正隆試觚詩

正隆舊年買  
宅故及之

新宅迎春日。載陽爲而規。祝萬年觴。文章亦

有衛生術。檄愈頭風。陳孔璋

敬止齋野友。元始來謁。袖春雨催花詩  
一絕見示。不堪吟翫。寸燭之間。次韻

細雨縱橫整又斜。芳園潤物景相加。儒風二  
十四番外。要着文林錦繡花。

庭初花

以下二首白井某席

二月江南萬物奇。欣欣庭樹向榮時。香風吹  
入五更夢。明且驚看花一枝。



野外霞

武野東風吹客衣。煙霞簇簇共相依。平蕪千里春如錦。孤鶩飛邊半斷機。

賀函三子始得女子

夢裏分明懷月時。仙娥降駕作門楣。閨房秀色有餘慶。拍手高歌弄瓦詩。

漫題

孟嘗珠耶卞氏璧。古人比德豈戲劇。獨持貞節磨不磷。腸是鐵兮心是石。

新蟬

夏來新聽早蟬聲。冷露含風羽翼輕。綠樹陰中初噪處。薰絃滿耳有餘清。

書窻晚涼

讀書堂上意猶閑。一陣晚涼吹白間。坐側風中繙典籍。不知長日迫西山。

讀愛蓮說

濯濯池蓮直且清。千年遺愛獨分明。對花誰識濂翁意。德種惟馨君子名。



白兔

朱眼丰茸更逞奇。由來白兔產高麗。雪朝月夕霜毛映。越犬韓盧不得追。

殘暑

殘蒸七月火西流。唯待飛廉恨蓐收。酷暑何知時節變。始驚梧葉一聲秋。

蟋蟀

以鷄字為韻

陰蛩促杼近幽閨。唧唧啾啾終夜啼。爾雅讀來頗磊落。釋箋絡緯與莎鷄。

電

陰氣薄陽雲路昏。電光燁燁眼前奔。東皇玉女被誰笑。便是啓噓天不言。

中秋

中秋飛月出雲關。穆穆流光玉宇間。十二回圓亦無異。今宵偏賞在人間。

月桂秋香

郁郁仙葩雲外浮。清光亭午水明樓。金風不假吳剛手。吹送天香萬里秋。



冬月

肅氣侵肌，夢不成。坐看寒月，一團生。千林霜  
葉飄零去。夜夜清光次第明。

松上雪

以下二首賴元亭所賦

傲雪孤松德不孤。亭亭更與眾芳殊。蒼髯一  
夜樹頭白。錯被人呼老大夫。

鶯

眼睨黃鶯自好音。頡頏出谷集中林。金衣公  
子春風外。緩奏花間一曲琴。

仲冬初六。應同胞賴元之佳招。開宴卜

夜乘興走筆賦一絕。聊寓祝來程之

意

穆穆金波凝不流。朔風千里夜雲收。一行鴻  
鴈一天月。照破東關十五洲。

臘月梅

暗香疎影臘夫新。侵雪凌霜花有神。待得江  
南風使至。丁寧獨領一枝春。

秋月揚明輝



常山文集 卷之九  
風捲纖雲塵靄收。月光初上射吟眸。明河灑  
得蟾蜍水。洗出乾坤白露秋。

讀桃花源記

聞道桃花源上春。漁郎歸去逐迷津。戰塵吹  
起晉天下。誰識山中獨有秦。

壬辰元旦試筆 承應元年

和風吹度蔚藍天。細柳露沾含翠煙。詰且初  
斟井華水。新烹龍焙祝新年。

和向陽子元旦詩韻

武城幾度賞王正。千里煙霞一望清。曠蕩江  
南碧波暖。白鷗泛處有春聲。

和函三子試筆韻

夙飲屠蘇春味甘。柳煙藹藹翠如藍。洪鈞一  
轉夏正月。陰亦三分陽亦三。

和元贊元旦韻

窻明一夜好風光。黃鳥綿蠻止棘桑。南面梅  
花已資始。莫言春到自東方。

浴花



春到芳園香暗聞。枝頭露重，泥塵氛。百花浴出暮天雨。潤色巫山一片雲。

漢高祖看花圖

漢皇見花張豪飲。千古壯遊入題品。風力不借三尺威。白蛇寸斷洛陽錦。

東風解凍得鷄字

烏兔環流事不迷。東風破斷碧玻璃。天公和毓凍開闢。啐啄鴻濛伏卵鷄。

竹風迎涼

日對此君依美陰。炎蒸不到快呻吟。涼風調得無絃趣。誰識淵明高卧心。

孟陽二十五日。招林羅山及兩令子。談

經言詩。自午至夜。羅山別賦一絕。見

示步韻備覽二首

閑讀公詩語帶霞。琅琅璨璨意彌嘉。春風二十四番外。開發三林錦繡花。滿堂復舉會瞽霞。清話尋常十倍嘉。昔日深衣馬公後。德馨羅洞一梅花。



歸雁次羅山韻

低度春風幾萬里。嗷嗷相鳴聲亂耳。可憐北  
南歸路遙。飛盡湘雲與楚水。

墨

徂徠千尺澗邊松。化作玄雲追墨龍。落紙點  
然如點漆。又看仲將有遺蹤。

柿 得水字

拂蟲驚鳥既多子。七絕添得鄭虔紙。柿葉經  
霜滿林紅。夾纈影映琉璃水。

雁帶邊聲

一聲叫斷朔雲邊。低度瀟湘萬里天。塞外高  
懸弓樣月。嗷嗷猶恐虜開弦。

癸巳元旦 承應二年

春入江城浮暖光。柔風一夜水浪浪。壑蛇初  
起新年日。鱗甲梅踰龍腦香。

和羅山元旦試筆韻二首

春到江南獺祭魚。梅香暗動玉條且。仁風和  
氣曠曠日。萬國仰望寬大書。



曼延何用造龍魚。壽酒先酬父母且。小字梅  
花鶯點破。依佈宮女進春書。

雪竹

瘦竹枝頭雪轉輕。節高不負歲寒盟。衾裯澄  
水難成夢。欹枕時聞碎玉聲。

雪得龜字

昨夜雪花映月奇。曉風甯粟粟生肌。窻明高  
卧袁安趣。曳尾晴泥藏六龜。

頃日六七輩賦雪。小絕一卷漸成堆。節

娘偶看之。佳作一絕示余。吟哦之餘。

卽次其韻

皚皚白雪正濃濃。天斧削成玉屑工。柳絮舞  
風能擬得。今看謝女秀閨中。

和卜幽試筆韻 承應三年甲午

又是王正奉壽觴。武陵遠客幾星霜。冰融波  
有文章在。不忍池邊翰墨莊。

卜幽家于不忍池  
畔故未句及之

丙申元旦 明曆二年



常山文集 卷之九  
送故迎春春未臻。紅霞千里眼先新。萬年五  
裏梅花酒。敬奉椿萱祝令辰。

立春在十一  
日起句故云

和羅山試筆韻

絲鷄蠟燕共雙雙。試筆豪雄九鼎扛。得意梅  
花真面目。月移踈影上紗窻。

次韻函三子元旦

向陽花木漸含胎。萬紫千紅次第開。黃鳥弄  
機聲札札。綠楊陰裏擲梭來。

和卜幽韻

年已送而年又迎。團樂共酌酒傳生。纔勻翠  
柳百千縷。新聽黃鸝三兩聲。

桐葉告秋

金井梧桐白露浮。蓐收司節火西流。鳳凰枝  
上亦知曆。繙出涼風一葉秋。

荻花

荻上灑灑白露清。白花相映月光明。風吹黃  
葉發天籟。轉作淪陽瑟瑟聲。



余為客寓於武城也。二十四年于此。今年七月二十九夜挑燈不寢。聞雁有感賦一絕。

感賦一絕


燈前聽雁抱鄉愁。飛月穿雲宿處投。渠亦來賓吾亦客。一聲喚起廿年秋。

獵場立春

讎名昨夜驅西東。回首朝霞滿野紅。今日于田將大獲。鶯呼呂望又非熊。常山文集卷之九終。

常山文集卷之十

權中納言從三位源朝臣綱條輯



詩

七言絕句

次韻卜幽試筆明曆三年丁酉

歲朝任例折松枝。夙酌紅霞壽介眉。半夜江南春到處。水波未動鴨先知。三月五日攜書生卜幽寫字渭川再遊。



蒲田林中

再步林中攜友于花殘葉茂物皆殊不知今日又何處前度風光更一無

和內始言志并序

婦人之有才古今之所難也謝女之貞曹家之訓頌椒花織錦字餘姑舍諸文物之盛也僅數人而已況於我朝乎有賀茂齋院內親王有智子者強學六經博通百家詩賦文章布在方策爾來繼武而起者未

曾聞焉嗚呼傅粉凝脂所以妝其姿也讀書勤學所以正其心也心正而后身脩身脩而后家齊治家內者婦人之道也詩不云乎宜其家人化以及于國于天下則致治平矣九仞之山始於一簣千里之途始於一蹴其所先後蓋可知矣我聞古昔之君子論婦人之好惡苟以德稱不以色取諸葛之醜女閔王之宿瘤是以其德者也吳之西子唐之太真是以其色者也所謂



以德受愛者愛竟不弛。以色得寵者寵有時衰。譬如布袋貯金玉。人爭取之。錦囊盛糞土。誰不棄之哉。今年始見詞花之生於閨房。長期英才之秀於藝苑。題以春月映梅花。於是請點竄於予。就而誦之。句句琅琅。字字璨璨。豈容翬于其間乎。戲取題之字義。語卿曰。能經三冬之寒苦。而知一陽之來復。凜凜高節操。彬彬有文質。比玉色之明道。擬深衣之馬公。宜矣。梅也。花中之

儒。其稱豈淺淺哉。若夫月者陰之德也。女者月之象也。陰晴之變。盈虛之數。萬人之所仰望也。文昭甄皇后曰。聞古者賢女。未有不學前世成敗。以爲己。誠不知書。何由見之。所謂文者貫道之器也。不可不勉強。行有餘力。則以學文之遺意也。卿夫拳拳服膺。而弗失之。侘日輝明德於中國。流芳名於後世也。必矣。恰如月之梅之相映乎。是予之所規祝也。信筆次韻。



一刻千金誰買得。暗香疎影兩三枝。月光妝  
出含章下。撲面春風不耐吹。

初春火災之後。寓居蒲田茅舍。四壁荒  
涼。不蔽風雨。四月十一夜。引被就眠。  
杜鵑一聲。夢爲之驚。感慨于生。呼燭  
命筆。

一旦避難三四月。離家幾度望孤雲。蕭蕭旅  
店破窻夢。落枕鶻聲不耐聞。

次韻卜幽始聞杜鵑懷亡妻詩

半夜杜鵑雲上風。落成一片映山紅。聲聲愁  
殺老鰥否。啼破莊周蝶夢中。

松竹方外友

松竹交加翠織成。隔離天日味涼生。節高共  
有後凋色。相約歲寒君子情。

火後感世變更戲簡栗田筠齋

昨壯玉樓金殿觀。今成原上一時塵。人間萬  
事也如此。年少莫驚老欲臻。

雨中訪弟賴隆茅舍于時聞杜鵑



鬣鬣油雲未敢收。滿庭潦水拍欄流。夏山復  
滴杜鵑雨。一洗蜀魂千歲愁。

九月十八日與弟賴隆泛舟遊淺草川  
八簡一絕

高歌歎乃海之東。兩岸如趨阿堵中。水接天  
涯天接水。舳舻千里一帆風。

伯父紀州亞相公使余和那波木庵元  
且詩韻二首 萬治元年 戊戌

瞳瞳旭日忽昭回。郁郁椒花漱灑盃。處處群

鷄報曉後。寥寥一犬逐年來。

一曲陽春無奈和。徒拈秃筆愧輕才。餼羊雖  
夙告正朔。未動葭莩六瑄灰。

立春在羊  
且故及之

桃實

桃葉萋萋實纍纍。前園風物雨餘清。東方假  
得西王壽。復被人呼三盜名。

疇昔忝蒙紀伊亞相公之佳招。庭有白  
櫻二株。教余賦之。奉燕詞一絕。以供



電矚

籍也對咸青眼看。清談終日弄春柔。庭櫻映竹吟情切。省識晉林千歲遊。

是日詣養珠孺人之靈前。敬燒辦香。肅拜。不忍去。追慕之餘。綴小詞以洒筆。淚滴云。

赫赫日心偏照臨。廟垣清淨不塵侵。牌前猶拜舊時貌。敬薦蘋蘩淚濕襟。

鶯琴 探題

煙暗柳陰聞老鶯。雅琴盈耳更嚶嚶。陽春一曲偶求友。喚起伯牙千歲情。

螢

腐草迎秋化轉輕。隨風倚水更縱橫。孫康窻下雪猶未。車胤囊中眼已明。

平原秋樹

蒲柳先衰暗結愁。回頭千里露凝眸。晚鴉飛盡平原濶。一陣涼風一樹秋。

雨中紅葉



雨洒丹楓山更幽。樹端漸缺點紅流。吳江漲盡晚風冷。一洗千林錦繡秋。

十月八日應備中太守大田資宗之招會于駒籠別業。太守近臣春寮書生賦一絕吟翫不能止。和成二首以寄

太守

營居不用斲椽楹。地僻人稀厭利名。我有輔仁三益友。何勞山水斷絃聲。無盡亭中纔四楹。不求聞達不求名。歲寒猶

有後凋色。風舉濱松萬頃聲。

太守領濱松城。故未句及之。

冬山如睡

顛項執鞭滕六馳。雪英補綴木端虧。山隨埋沒靜如睡。孰與袁安獨卧時。

新宅立春

吾宅新時春亦新。春盈新宅氣津津。宅中風物皆新事。雀賀宅成人賀春。

冬夜論詩



冬夜迎朋詩興催移燈東閣喚官梅坐來共  
話敲推勢撥出陰何爐底灰

慧可立雪

獨立少林精舍前手叉斷臂一風顛參禪先  
扣程門問雪白山川一色天

八月十五夜乘船賞那珂浦月

去年今夜武城月不定陰晴意轉勞今歲今  
宵那賀浦月光十倍廣陵濤

八月十六夜

八月既望煙雨濛清光不借恨天公嫦娥今  
夜秋雲鎖殆似上陽人入宮

重陽雨

九月今朝重九節弟兄相賀共觀遊挿萸攜  
酒登高處不耐滿城風雨秋

次了的生於相州土肥海邊見中秋月

詩韻二首

三五衡望變態新陰晴不定仰高旻夜深幕  
地風吹去纔看雲間吐半輪



雨罷雲收。懽我顏。嬌娥艷色濕煙鬟。怪聞人  
到廣寒殿。習得霓裳舞曲。還

題猿猴捉水月圖

樹上玄猿低又昂。孤吟長嘯自徜徉。徒望水  
月不盈手。巫峽岸頭空斷腸

題昌黎過藍關圖

秦嶺寒雲曾不披。昌黎跨馬獨行遲。畫土亦  
借韓湘手。寫出藍關雪後時

紫藤花

曲蔓高懸探剡溪。紫雲擁面路程迷。龍蛇束  
縛中間樹。風卷翠帷瓔珞低

雁字 得文字

鴻雁來賓不失群。冥冥未肯入秋雲。羽毛映  
破毛錐月。認作縱橫千字文

重陽

一盞醪醑菊氣馨。東籬迎節蝶車停。避鮫不  
食元無用。須向明窗讀孝經

梅上鶯 題畫屏



鶯逐暗香頻往來。一聲啼破百花魁。枝頭勿  
弄羞兒笛。恐是明朝落盡梅。

次韻向陽子試筆

萬治三年  
庚子

送寒迎暖迭相推。品物流形亦豈私。鼎裏春  
風先示瑞。龍團躍出鳳來儀。

夏雨

驟雨漲來水倒流。輿中猶穩似乘舟。油雲當  
午盡收得。滿面涼風綠樹秋。

爐裏紅麟

穩坐辟寒爐已開。紅麟蹲處暖相催。獲祥絕  
筆聖人後。秦火今還撥冷灰。

醫師仙庵在常州。賦元旦詩遠達武城。  
余偶見之。次韻以寄。

兩地春風千里天。煙霞遮眼思悠然。常陽元  
會知誰在。指汝當時孟萬年。

癸卯歲旦

寬文三年

新年嘉瑞滿城闔。萬國來趨賀吉辰。恭拜參  
知元會日。黃鶯讓我喜遷春。



舊臘黍轉任參  
議。故末句及之。

次韻向陽子元旦

旭光新耀武江東。黃鳥于飛翥谷風。風暖冰融管城下。文龍躍出石虛中。

東叡山櫻花

台嶺殘櫻哭太真。鷓斑糝路落續續。何人借得番風手。拈出法華微笑春。

水仙花

梅後獨占桃李前。寒香寂寞發幽娟。玉肌翠

袖凌波女。羅襪黃冠步月仙。

對雪憶亡妹

愁中徐起倚窻看。白雪地天同一般。甯冽冬風度庭樹。一枝已折一枝寒。

甲辰秋七月。河州太守井上正利賜休

暇。而之常州笠間。向陽林子想像之

餘寄一絕。太守摘其末字。和以和歌。

謝焉。林子書中言及余。於是續貂者

二首



秋風分袂，武江陰。一望不看勞我吟。撥刺雙魚手中躍。讀來忽慰別離心。

井上梧桐落午陰。乍聞一葉促秋吟。情文兼識絃中趣。會得伯牙千歲心。

病中九月十三夜

九月十三鳴日東。清光孰與仲秋中。凭欄欲賞今宵月。尚養沉痾滿奮風。

雪後馬上漫筆

朝來雪霽旭光輝。馬背風寒鬣白稀。點破平

蕪銀世界。一行鴻雁兩三飛。

常山文集卷之十終



常山文集卷之十

...

...

...

...

...

...

...

...



